

Skipulag kennslu

Í fjórða kafla Starfsáætlunar Varmahlíðarskóla fyrir skólaárið 2021-2022 er fjallað um nám og kennslu:

4.1 Nám og kennsla

Náms- og kennsluáætlanir allra námsgreina eru aðgengilegar foreldrum/forsjáraðilum og nemendum í Mentor. Áætlanir eru eftir atvikum settar fram í námslotum sem tengd eru hæfniviðmiðum Aðalnámskrár grunnskóla. Námsmat í öllum námsgreinum er þannig tengt markmiðum í hverri námsgrein og er matið símat sem fer fram jafnt og þétt yfir skólaárið. Námsmat er birt í Mentor. Áhersla er lögð leiðsagnarmat í öllum árgöngum og námsgreinum með útgangspunkti í áherslum Aðalnámskrár grunnskóla á hæfnimiðað námsmat í bókstöfum.

[Á heimasíðu](#) er einnig að finna námsáætlanir hvers árgangs og yfirlit námsmarkmiða hvernar námsgreinar, fyrir hvert skólastig. Samþætting námsgreina getur verið útfærð að hluta eða öllu leyti í ákveðnum kennslulotum eða verkefnum.

4.2 Teymiskennsla

Unnið er markvisst að því að efla og innleiða kennsluhætti teymiskennslu. Teymiskennsla felur það í sér að tveir eða fleiri kennarar eru samábyrgir fyrir kennslu hóps og námsgreina. Með samráði og samvinnu leggja þeir saman krafta sína, áhuga og bjargir en útfærsla kennslu, skipting hópa og viðfangsefna getur verið mismunandi allt eftir því sem kennararnir telja best hverju sinni. Í undirbúningi er að starfsfólk skólans fái faglega leiðsögn frá Miðstöð skólalárnunar við eflingu starfshátta og vinnubragða teymisvinnu. Áætlað er að það verkefni fari formlega af stað í október og verði þróunarverkefni til næstu þriggja ára.

4.3 Val nemenda í 8. – 10. bekk

Fjölbreyttar valgreinar eru í boði fyrir nemendur 8.-10. bekkjar. Nemendur eru átta kennslustundir á viku í valgreinum. Velja þarf að minnsta kosti eina verkgrein og eina listgrein en annað val er óbundið. Í [valgreinahefti](#) er að finna frekari lýsingar á námskeiðunum, markmiðum, námsefni og námsmati. Leitast er við að hafa námsframboð fjölbreytt til að mæta áhuga hvers og eins nemanda eins og kostur er. Nemendum í fullu námi í tónlistarskóla stendur til boða að fá námið metið sem valgrein og einnig er mögulegt að fá æfingar í íþróttagreini metnar sem valgrein að uppfylltum ákveðnum skilyrðum og samkvæmt samningi sem gerður er.

Valgreinar á haustönn eru: bakstur, matreiðsla, matur og menning, smíðar, málmsmíði, textíl, leikskólaval (starfsþjálfun), skólahreysti, íþróttaval og upplýsingamennt UTN (einungis fyrir 10. bekk). Listaval er samþætt val allra unglunga á haustönn þar sem unnið verður að undirbúningi árshátíðar auk annarra listverkefna.

Á vorönn eru fyrirhugaðar einhverjar breytingar á framboði valgreina til að auka fjölbreytni. Valgreinar sem hafa verið kenndar eru til dæmis landbúnaðarval, tónlistarval, myndmennt, 3-D, FabLab, fjármálalæsi, FNV-iðngreinar og borðspil.

4.4 Útfærsla viðmiðunarstundaskrár

Miðað er við 40 mínútna kennslustundir að jafnaði. Morgunmatarhlé er 20 mínútur, hádegishlé 30 mínútur. Frímínútur f.h. eru 15 mínútur og þá daga sem viðveran er lengri en til kl. 14:00 eru 10 mínútna frímínútur e.h.

Vikulegur stundafjöldi nemenda eftir bekkjum er sem hér segir:

1.-4. bekkur: 31 kennslustundir + 6 stundir samtals í útivist, íþrótt- og tómstundastarfi.

5.-7. bekkur: 36 kennslustundir + 2 stundir í útivist.

8.-10. bekkur: 37 kennslustundir + 1 stund í heimanámi.

Í skólum Skagafjarðar er einni kennslustund á viku bætt við kennslu allan veturinn til að stytta skólaárið um 7 daga og ná þannig fram ákveðinni hagræðingu. Sveitarfélagið Skagafjörður og Akrahreppur samþykktu þessa útfærslu á sínum tíma.

4.5 Skóladagur nemenda

Skólahúsnæðið opnar kl. 8:00 á morgnana. Skólastarf hefst kl. 8:15 og því lýkur kl. 14:50 mánudaga og miðvikudaga, kl. 14:00 á þriðjudögum, kl. 15:30 á fimmtudögum og kl. 13:20 á föstudögum. Stundaskrá nemenda tekur mið af viðmiðunarstundaskrá. Allir nemendur eru jafnlengi í skólanum alla daga. Það þýðir að yngstu nemendurnir fá nokkuð fleiri stundir í skólanum en viðmiðunarstundaskrá gerir ráð fyrir. Þeir tímar eru nýttir til aukinnar útivistar auk íþrótt- og tómstundastarfs, m.a. í samvinnu við Ungmenna- og íþróttafélagið Smára. Á miðvikudögum og fimmtudögum eru íþróttæfingar en þeir nemendur sem ekki vilja stunda æfingar geta verið í útivist eða sótt frjálsan tíma í sundlauginni.

4.5.1 Frístund

Frístund Varmahlíðarskóla hóf starfsemi haustið 2019. Frístund er skóladagvist fyrir nemendur í 1.-4. bekk. Daglegur opnunartími er frá skólalokum til kl. 16:30. Viðverutími í frístund getur verið allt frá einni til tíu klukkustundum á viku. Í Frístund er lögð áhersla á hlýlegt og öruggt umhverfi, frjálsan og skapandi leik og jákvæð og góð samskipti. Skólaliðar eru jafnframt starfsmenn Frístudar en forstöðumaður Frístudar er Linda Gunnarsdóttir.

Skráning í Frístund er bindandi samkvæmt [Innritunarreglum fyrir frístund í Skagafirði](#). Hægt er að sækja um vistun fyrir komandi skólaár með rafrænni skráningu að vori eða með því að senda tölvupóst á fristund@vhls.is. Gjöld frístundatíma eru samkvæmt [Gjaldskrá í grunnskólum Skagafjarðar](#).

Frístund er opin á starfs- og foreldraviðtalsdögum skólans og í vetrarfríum frá kl. 8:00-16:00. Sérstök skráning fer fram á þessum dögum og eru þeir greiddir sér. Lokað er í jóla- og páskafríum og á fræðsludegi sveitarfélagsins sem haldinn er í ágúst ár hvert.

4.5.2 Vinaliðar

Í Varmahlíðarskóla starfa vinaliðar yngri nemenda úr hópi nemenda í 4.-7. bekk og eldri nemenda úr 8.-10. bekk. Vinaliðar yngri starfa í hálf skólaár og þá taka aðrir við en vinaliðar

eldri starfa í heilt skólaár. Allir vinaliðar fara á leikjanámskeið og gegna leiðtogahlutverki í nemandahópnum. Vinaliðar skipuleggja og stýra leikjum í frímínútum, einu sinni í viku, með stuðningi skólaliða. Markmið Vinaliðaverkefnisins er að efla samskipti, vinskap og velferð nemenda í skólanum sem og að auka jákvæða afþreyingu og hreyfingu á skólalóðinni í frímínútunum. Frekari upplýsingar um Vinaliðaverkefnið má sjá á heimasíðunni vinalidar.is.